




Norsk Tourette Forening

Norsk Tourette Forening




Stoavkkuhit

Gieđaid doaškut



Ráhkut



Čalmmiid
ravkaladdat

Norsk Tourette Forening (NTF) lea riikkaviidosas organisašuvdna man ulbmil lea juohkit dieđuid ja áddejumi Tourette-syndroma (TSa) ja eará tics-dilálašvuodaid birra.

Tourette-syndroma (TS) lea árbehahti, nevrobiologalaš dilálašvuhta, mas leat geardu fáhkkaš lihkestaddamat (motoralaš ticsat) ja dáhtokeahces jietnadaddamat (vokála ticsat). Dábálemos lea ahte dovdomearkkat dovdogohtet árrat skuvlaagis. Vuosttamus dovdomearkkat leat dávjjimusat ámadajus, ovdamearka dihtii badjelmearálaš čalbmeravkaladdamat dahje muohtolihkastaddamat. Motoralaš lihkestaddamat sáhttet sirdašuvvat čoddagii, olggiide, rupmaša bajit oassái ja maiddái eará rumašosiide. Ticsat sáhttet lassánit, dahje geahppánit, sihke huššás, gealddamielalaš dahje lotkes dilálašvuodain. Dábálaččat dihttogohtet vokála ticsat maŋjelat go motoralaš ticsat. Ticsaid lea vejolaš doalahit dihttomis oanehaččat ja dat bohtet garraseappot ruovttus go skuvllas dahje bargosajis.

Tourette-syndroma lea buot čearddalaš joavkkuide gulli olbmui, ja dat lea 3-4 geardá dábáleabbo almmáiolbmui go nisson-olbmui. Tourette-syndroma lunddolaš vásiheapmi molsašuddá mearkkašahtti láchkai olbmui, ja dan čuohcindássi olbmui molsašuddá hui geahppa dáhpáhusaid rájes gitta bahás čuohcci dilálašvuodaide. Eatnašat gillájit uhcit iežaset ticsaid geažil rávesolmmožin go nuorran.

Eatnašiin guđiin lea Tourette-syndroma, leat lasseváttut. Dábálemos lasseváttisvuodát leat ADHD ja bággojurdagat / bággodagut (OCD). Erenoamáš oahppanválttisvuodát, fáhkkaš ja garra suhtiheamit, oadđinváttisvuodát, ballu

ja deprešuvdna (lossamielalašvuhta) oidnojit maid muhtumiin sis. Lasseváttisvuodát sáhttet muhtumiidda dovdot stuorát váttisvuohčan go ticsat ieža. Tourette-syndroma ii leat vejolaš dálkasiiguin buoridit, ja ulbmil divššuin lea váidudit dovdomearkkaid. Geahppa ticsaid geažil ii dárbbas olmmoš dábálaččat maidege divššuid.

Tourette-syndroma gillájeaddji olmmoš dárbbasa vuosttažettiin dan ahte su birrasat áddejit su diagnosa ja vel dárbbasa su birrasiin veahki hálldašit daid hástalusaid maid váivves dilli dagaha su eallimii.

Norsk Tourette Forening lea organisašuvdna buohkaid várás geain lea Tourette-syndroma, ja sin bearrašiid, ustibiid, fágaolbmuid ja eará berošteddjiid várás.

Min bargu lea juohkit dieđuid iežamet miellahtuide dutkamiid, sin vejolašvuodaid ja sin vuoigatvuodaid birra. Min bargui gullá maid geahččalit addit Tourette-syndroma gillájeaddjiide vejolašvuoda hálldašit sin beaivválaš eallima nu bures go vejolaš, ja vel lassin buoridit oapmahaččaid dili seammádilálaš olbmuid doaimmaid bokte, geavaheddjiid oassálastimiin ja oahpahušdoaimmain. Deaivvadansajiid lágideapmi min miellahtuid várás vuoruhuvvo dehálažžan. Min dehálemos ulbmiliin okta lea ahte buohkat geain lea TS, galget sáhttit eallit áibbas dábalaš eallima. Mii atnit dehálažžan ahte mánát galget oažžut árra ja rivttes diagnosa ja heivehuvvon skuvlavázzima, mas sihke oahpaheadjit ja oahppit áddejumiin doibmet singuin ovttas.

Diehtujuohkin lea hui dehálaš oassi min bargus. Mii almmuhit bissovaččat «2-rette» nammasaš miellahtobláđi ja fállat iežamet

neahhtagávppis gihparáiddu mii lea ráhka-duvvon diehtujuohkima várás.

Manne gánnáha šaddat Norsk Tourette Forening nammasaš searvvi miellahtun?

Miellahtobláđi

NTFa miellahtun don oaččut «2-rette» nammasaš miellahtobláđi. Das don oaččut ođđaseamos dieđuid das mii dáhpáhuvá min doaimma birra; fágadieđuid, cavgilemiid, jearahallamiid, semináraid, báikkálaš doaimmaid, jna.

Mii dieđihit dutnje mii ain dáhpáhuvá fága-birrasiin.

Vejolašvuhta deaivat nuppiid

NTFas leat mánga árjjalaš fylkkasearvvi. Dáppe sáhtát deaivvadit nuppiiguin geat leat seamma dilis go don ieš ge. Fylkkasearvvit lágidit ollu suohttas doaimmaid, sihke mánáid, nuoraid ja rávesolbmuid várás.

Min ruoktosiiddus www.touretteforeningen.no gávnnat riikka fylkkaservviid visogova.

Kursa-/seminárafálaldagat

NTF lágida sierra semináraid dušše iežas miellahtuide, sihke sidjiide geain lea diagnosa ja sin oapmahaččaide/váhnenolbmuide.

Neavvun ja rávven

Mii veahkehit diehtujuohkimiin, neavvumiin ja rávveimiin. Mii leat deaivamis kontortelefovnas vuossárggas duorastahkii.

Seammádilálaš olbmot leat olámuttos

Dárbbasat go háleštangoimmi? Dalle sáhtát oktavuoda váldit ovttain gii gullá min seammádilálaš olbmuid lohku. Sii leat olbmot geat ieža leat vásihan mo lea eallit

TSain ja/dahje mo lea eallit TSa gillájeaddji oapmahažžan/váhnenolmmožin.

Dehálaš ášši doarjun

Norsk Tourette Forening nammasaš searvvi miellahtun don veahkehat min buorebut oahpasmahttit Tourette-syndroma servodahkii, ja veahkin leat dasa ahte servodat buorebut heivehuvvo olbmuide geain lea TS. Miellahtun don leat mielde nannemin NTFa organisašuvdnan.

Mađe eambo miellahtun, dađe bastilat váikkuhanfápmu!

Diehtujuohkin Norsk Tourette Forening nammasaš searvvi miellahtuvuoda birra:

Buohkat guđiin lea Tourette-syndroma, dahje das beroštit, besset leat NTFa miellahtun.

Miellahtuvuodát:

- Váldomiellahtuvuoha: 380 ruvnu jahkái.
- Bearašmiellahtuvuoha (go sus lea seamma čujuhus go váldomiellahtus): 60 ruvnu jahkái.

Sáhtát dieđihit iežat miellahtun telefornas, min ruoktosiiddus dahje e-poasttas:

E-poasta: post@touretteforeningen.no

Web: www.touretteforeningen.no

Telefovdna: 31 41 10 55



Norsk Tourette Forening

Frankendalsveien 97, 3274 Larvik

Telefovdna: 31 41 101 55

E-poasta: post@touretteforeningen.no

www.touretteforeningen.no

ISBN: 978-82-7835-047-8

NORDSAMISK



SÁMEDIGGI
SAMETINGET



HELSE  **NORD** R-FAAT

Regionalt Fagnettverk for Autisme, ADHD og Tourettes syndrom